



www.BibleForChildren.org


Matyu 8



Aria ded adit uue, ded ewamppa, aab Galilinu aab Kana, appa danab laa ah aokkun heum. Jesus anig nug hobul amuppa danab amu laugppa dayom amu, ag Jesus Nug nuhikkud ippunittak awak danab ele, ag oh ele hobul amuppa daaglagnu onilagppa eppig.



Ag anam eeg daaegeg, dimppa wain iitta me, Jesus
anig nug Jesus amegppa aum. “Wain ahilag iitta
meum,” awa aum. Jesus anam a amu, anig nug madi
nid amelagppa aum. “Nug adi nai laa ag amelagppa
ab amu, ag Nug ode dim lamitteg!” awa aum.



Amu Jesus Nug madi nid amelagppa aum.
“Ag le itappeg, hanak ambeig!” awa aum.
Nug anam aum amunu, ag le itaeg, hanak
amu oh ambena agappa beppig. Hanak
ambeeg, Nug aum.



“Laa itappeg nob, aon gona, ee gumak
danab okkai metteg!” awa aum. Nug anam
a, ag aon gona, nug mettaeg, amu ee
gumak danab okkai nug le geha wain
eduum amu baag dookkunu nakok laum.



Nug wain amu adeppanu amu, nug ii doynom, amge
madi nid le itappig ele, ag dooppig. Aria, ee gumak
danab okkai nug wain amu
nakok lawowa, nug danab
ah aotte ele, nug danab
amu onigppa eum.



Onigppa e udie amu, nug aum. “Danab oh ag wain
ena tatam mattaeg laeg, dimppa danab ah ag wain
amu nakok okkai laeg amu,
ag wain nakok nau bia
madatteb. Amge na wain
ena hagakka awe
dayom, geha iikku
wain ena aon
dome,” awa
aum.



Aria, Jesus Nug amu heum amu,
amuppa Nug Kayak dabmettaknu
kobol danab haknu elele
iitta, kobol amu hekkunu
digma heum.





Nug Galilinu aab Kana appa anam ha, amuppa Nug
Nug binag amahlak oppiaawak
ele he miag atie, nuhikkud
ippunittak awak danab ag
nuhignu oolagppa genab
dooppig.



Mađi nid amu ena daye amu, Jesus
Nug Pita laugppa noa, Pita nome nug
bedu gakkadak ode ele niieye anttom.



Antta, Nug gumitta wana, ah eppeg nakok ada he,
bedu gakkadak iitta me, ah amu nug aha digma,
ehanittak keeke babaitta ehanittom.



Aria, tueb amu aam no, appan danab ag ahan, ode
danab oh, amu danab oudi nau ele oh omaladna, Jesus
toppa goppig. Ag gona,
Saimon, Andru ele aa
laulah odppa qagmeeg,
Jesus Nug ode danab
kudum, ag ode digdig
ele bappalattatta, laa
oudi nau ele amu,
Nug oudi nau
amu lamattom.



Lamattom amge, ag Nug dooppig amunu,
Jesus Nug he, ag amunu ii appig.




Danab ah oh ag eppelag bahin, Jesus bedu adaglagnu oolag dayom. Adinu? Ag adaegeg, nuhig gagattag amu bedulagppa ukka he, danab amu oh ag ena daappig.




Nug nai mehuqeqe, danab laala ag lailag ode ele, nug
baeg eppeg mauhak ele, ag oolagppanu danab wadele
ag nug qadaqadppa maon udippig.




Udieg, ag lag Jesus dayom ele,
amuppa danab ah kudum ituak daaegeg,
Jesus gumidna gokkulagnu
elele iitta amunu, ag lag
attan tena, lag amu kodokko
udem ukkak ele
amunu ag
tena, . . .




. . . lag kodokko Jesus
waappa dayomppa loppadna,
ode danab qadaqad ele
mudippa qakkan, Jesus
noobppa padaeg
noum.




Padaeg noum amu, Jesus Nug ooppa genab doyak
ahilag antta, Nug ode danab
amegppa aum. “O nan,
nahip hipunin oh da
uhuqe medattem,”
awa aum. Jesus
Nug anam ana amu
Nug edua, ode danab
amegppa aum. “Na
ahan, qadaqad
nahip aon, lakka
ukke!” awa aum.



Jesus anam awowa amu, Nug aha, uub attan te,
nuhikkud ippunittak awak danab ag
ele teeg goppig. Ukkaegeg, ulah
okkainab digma heehe, le
ameg kodkod huan qa,
uub tona malom. Le
anam heum, amge Jesus
Nug uubppa niiom.



Ag anam aeg amu, Jesus Nug aum. “Ag adinu anam badatteb? Ag oolagppa genab nakokib dootteb.” Nug anam awowa, Nug aha, ulah le ele dilahnu, aa anam hemayanu amelahppa a, ulah nug iitta me, le ele toetta, manin niiom. Nug anam he amu, nuhikkud ippunittak awak danab ag dabmak kudum aonna, akka akka appig. “Danab imu am danab attemu? Ulah, le ele aa ele nuhig nai dim lamidttep!” aon appig.



Kayak Nug wanppan danab ah dilagnu oo
huana mauhom amunu, Nug Bekka
laippunab me udiom. Nug me udiom
amunu, aun nug nuhignu ooppa genab
dootte ele, nug padal ii mema. litta!
Nug bauklel hanhannu aokku.



Rom 3:23

Adinu? Ig danab oh ig hipunin hemut amunu, ig Kayak Nug
ihinignu ig attem daagnignu dabmeum amu, ig amubia laa
ii daattem.

Rom 6:23

Hipuninnu nob am mauhak, amge Kayak Nug ig ihinig
Nadi, Kristus Jesusnu udatppa bauklel hanhannu ihinig
daakkunu hamu megatte.

Hibru 9:27

Danab oh ag haen laippuib mauhkkulagoitte; amu dimppa
ag hettodiakppa tekkulagoitte,



Epesus 2:8,9

Ag Kayaknu oolagppa genab dooppig amu, amuppa Kayak Nug ehanittak okkai hamu matta, Nug ag edua diia, bauklel mattom. Nug ahilag udat, Nug amunu dabmaama ii mattom. litta! Nug ag ahilag daakkunu hamu mattom.

Rom 10:9,10

Amu nai amuam inam. Na odenppa, “Jesus am Nadi,” genab akkut, Kayak Nug Jesus mauhakppanu he edua hibaittom ele ootppa genab dookkut amu, Kayak na edua awidkku. Amunu diig am, danab nug nuhig oo unuqagppa [Jesusnu] ooppa genab dootte, amuppa [Kayak he,] nug genab tutukku hak danab daatte. Ge, danab nug odeppa nuhig ooppa genab doyaknu maditte, amu ooppa genab doyak amuppa Kayak Nug danab amu edua aotte.



Jon 3:16,17

Kayak Nug wanppan danab ah dilagnu oo huana mauhom amunu, Nug Bekka laippunab me udiom. Nug me udiom amunu, aun nug nuhignu ooppa genab dootte ele, nug padal ii mema. Iitta! Nug bauklel hanhannu aokku. Kayak Nug, Nug Bekka wan imuppa me udiom, amge Nug wanppan danab ah epeadiadkkunu me ii udiom. Iitta. Kayak Nug nuhigppa wanppan danab ah edua diiadkkunu me udiom.

1 Jon 5:11-13

Amu Kayak Nug adi ippunikkom? Nug bauklel hanhannu ig mekkom, amu bauklel amu ig Nug Bekkanu aottem. Aun nug Kayak Bekka ele laippu daattem amu nug bauklel ele, am aun nug Kayak Bekka ele laippu ii daattem, nug bauklel iitta. Da ag Kayak Bekka, ag nuhignu oolagppa genab dootteb amu, da ag bauklel hanhannu aoppig daattem genab dooglagnu, da ahilagnu nai imu yaattem.



Matyu 8-9; Mak 1-2, 4; Luk 4, 8; Jon 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Nobonob Bible (gaw) © 2022, Wycliffe Bible Translators, Inc.
All rights reserved.

<https://www.bible.com/bible/943/GEN.1.NB>

©2026 Bible for Children, Inc.

www.M1914.org

www.bibleforchildren.org

